

Na osnovu člana 106. Zakona o visokom obrazovanju („Službene novine Kantona Sarajevo“, broj: 36/22), člana 111. Statuta Univerziteta u Sarajevu i člana 16. Pravila studiranja za treći ciklus na Univerzitetu u Sarajevu – Doktorski studij iz februara 2024. godine, te odluka vijeća dokorskog studija Univerziteta u Sarajevu - Prirodno-matematičkog fakulteta, odluke Vijeća Univerziteta u Sarajevu - Prirodno-matematičkog fakulteta broj: 01/06-1027/7-2025 od 05.06.2025. godine, Odluke Senata Univerziteta u Sarajevu o davanju saglasnosti za raspisivanje Konkursa broj: 01-8-34/25 od 25.06.2025. godine, Univerzitet u Sarajevu - Prirodno-matematički fakultet, objavljuje

K O N K U R S

za upis kandidata na III ciklus studija - doktorski studij na Univerzitetu u Sarajevu - Prirodno-matematičkom fakultetu u akademskoj 2025/2026. godini za:

- Doktorski studij bioloških nauka,
- Doktorski studij fizičkih nauka,
- Doktorski studij geografskih nauka,
- Doktorski studij hemijskih nauka,
- Doktorski studij matematičkih nauka u Jugoistočnoj Evropi i
- Doktorski studij prirodnih i matematičkih nauka u obrazovanju.

I

Konkurs se raspisuje za upis:

20 kandidata na III ciklus studija- doktorski studij **bioloških nauka** i to:

- smjer Biohemija i fiziologija - 5 kandidata,
- smjer Ekologija - 5 kandidata,
- smjer Genetika - 5 kandidata,
- smjer Mikrobiologija - 5 kandidata.

6 kandidata za III ciklus studija – doktorski studij **fizičkih nauka**

9 kandidata na III ciklus studija - doktorski studij **geografskih nauka** i to:

- smjer Turizam - 3 kandidata
- smjer Zaštita životne sredine - 3 kandidata
- smjer Regionalno i prostorno planiranje – 3 kandidata

5 kandidata na III ciklus studija - doktorski studij **hemijskih nauka**

5 kandidata na III ciklus studija - doktorski studij **matematičkih nauka u Jugoistočnoj Evropi**

9 kandidata na III ciklus – **doktorski studij prirodnih i matematičkih nauka u obrazovanju**, i to studijski programi:

- Biologija u obrazovanju - 2 kandidata,
- Fizika u obrazovanju - 1 kandidat,
- Geografija u obrazovanju - 3 kandidata,
- Matematika u obrazovanju - 3 kandidata.

II

Pravo prijave na Konkurs imaju:

Na konkurs se mogu prijaviti kandidati koji su stekli diplomu drugog ciklusa studija, integriranog studija, specijalističkog akademskog studija i magistra nauka prema predbolonjskom sistemu studiranja iz odgovarajuće naučne oblasti.

Kandidatima koji su stekli titulu magistra nauka prije uvođenja bolonjskog sistema trocikličnog studiranja priznaje se 60 studijskih bodova, na način koji pobliže utvrđuje Vijeće doktorskog studija matičnog odsjeka, a preostali obim od 120 studijskih bodova ovi kandidati stječu u skladu sa Pravilima studiranja za treći ciklus na Univerzitetu u Sarajevu – Doktorski studij iz februara 2024. godine. Ovi kandidati plaćaju dvije trećine ukupne cijene studija. Strani državljani imaju pravo upisa na studij pod jednakim uvjetima kao i državljani Bosne i Hercegovine. Kandidati koji su prethodno visoko obrazovanje stekli u inostranstvu obavezni su provesti postupak akademskog priznavanja inostrane visokoškolske kvalifikacije.

Kriteriji za upis sadržani su u nastavnim planovima i programima pojedinih studijskih programa, koji se nalaze na web stranici Univerziteta u Sarajevu - Prirodno-matematičkog fakulteta - www.pmf.unsa.ba

III

Uz prijavu na Konkurs kandidati su obavezni dostaviti:

- biografiju,
- diplome o završenom prethodnom univerzitetskom obrazovanju,
- plan i program završenog dodiplomskog studija i magistarskog/master studija (ukoliko studij nije završen na Prirodno-matematičkom fakultetu Univerziteta u Sarajevu),
- uvjerenje o položenim ispitima tokom prethodnog studija,
- izjavu o preuzimanju obaveze plaćanja školarine za upis na doktorski studij u visini utvrđenoj Odlukom Upravnog odbora Univerziteta u Sarajevu na prijedlog Vijeća Prirodno-matematičkog fakulteta,
- dokaz o poznavanju engleskog jezika.

Sva dokumentacija treba biti original ili ovjerena kopija.

Kandidat koji je stekao diplomu u inostranstvu prilaže dokaz o nostrifikaciji/priznavanju iste ili potvrdu da je postupak nostrifikacije/priznavanja diplome u toku. Kandidati mogu uz prijavu priložiti i Motivaciono pismo za upis na doktorski studij uz iskazivanje preference za oblast istraživanja, kao i Pismo preporuke potencijalnog akademskog savjetnika/mentora.

IV

Nastava na III ciklusu - doktorskom studiju matematičkih nauka u Jugoistočnoj Evropi izvodi se na bosanskom i engleskom jeziku.

V

U slučaju da je broj prijavljenih kandidata koji zadovoljavaju uvjete Konkursa veći od broja predviđenih u Konkursu, izbor kandidata, koji su stekli pravo na upis, vršit će se na osnovu rezultata na II ciklusu studija, odnosno na postdiplomskom studiju.

VI

Cijena doktorskog studija iznosi 7.000,00 KM po godini za: Doktorski studij bioloških nauka, Doktorski studij geografskih nauka, Doktorski studij hemijskih nauka i Doktorski studij matematičkih nauka u Jugoistočnoj Evropi.

Cijena doktorskog studija iznosi 5.000,00 KM po godini za: Doktorski studij fizičkih nauka i Doktorski studij prirodnih i matematičkih nauka u obrazovanju.

VII

Konkurs ostaje **otvoren 30 dana** od dana objavljivanja. Prijave dostaviti na adresu: Prirodno-matematički fakultet Univerziteta u Sarajevu, Zmaja od Bosne 33-35, 71000 Sarajevo u zatvorenoj koverti sa naznakom "Prijava za upis na doktorski studij _____ u akademskoj 2025/2026. godini na Odsjeku za _____".